

中國方志叢書·華中地方·第八三四號

據

清·藍煦等修，曹徵甲等纂
清同治十年刊本

影印

江 西 省

星子縣志



成文出版社有限公司印行

同治十年新鐫

星子縣志

本縣儒學藏板

文獻序

星子爲南康附郭邑北與潯陽錯壤而廬阜介其中襟江流而帶蠡湖實吳楚分域厥土磽瘠山多田少生物弗繁遇連歲旱潦不稔採葛爲食故前之宰斯土者每請蠲稅賑饑以惠保黎庶其地幅員窄人煙稀民風馴訟獄寡咸豐間粵氛蹂躪者再田埜榛棘城市邱墟予遺之民皆蓬居窟戶蝸伏而處無流亡戶十餘年後室廬復僅十四五而官署壇廟類蕪廢不舉今

縣志之五年

照

承乏是邑捧檄下車問風俗摻遺編晉接紳

耆誼諮疾苦地方未辦善後不勝指屈而典型文獻復散佚
無徵措施乏術心甚慙焉旋調省明年夏復任縣南有池曰
蓼花池溝沙淤塞積水不宜民不遑處閱其池之東北獨缺
如旋螺口洶爲消洩尾閘捐廉泉而疏濬之七都九圩圯廢
無復捍禦請帑而培厚之縣署寓於民房城隍廟僅留廢
址皆移地而重建焉

文廟規模未備復購材加建焉八年縣之瀕湖各鄉罹水菑獨

重巨浸幾半載秋深始渴鴻磬滿野請賑撫乞緩徵均允行
然困窮之民無業之戶猶未蘇息竊計古濫以舊荒興工役
俾缺食細民有藉餬口前賢多有爲之者故於修池築隄外
不敢憚籌費之難舉署工廟工次第行之焉嗟乎夷陵土黑
盡屬秦灰蟻壤決防卒爲水害經營又豈易易哉煦幼荒學
殖長乏才能愧無製錦之長有負過庭之望鹿鹿宦途已徧
於楚晉吳今以一匏之繫宰先儒過化之邦三載有餘愧無
善政幸其俗婚必親迎酒唯家釀冠裳無華飾閭里無笙歌

猶留往古敦厚樸儉之教也其山則峯律岩崑雲霧靄靄則
秦華衡岳之精神足以方其靈特也其水則浩淼滌洄煙飛
浪走則滄溟之壯觀洞庭之遠派足以模其彷彿也其人則
俊乂接軫圭璋特達之品閉戶窮經之士周朱過化尤以啟
發於無窮也他如折腰歸去黃犢掛冠此更超拔凡近者矣
煦趨步前型瞠乎若後紫陽隄畔碧草春生又不禁神往於
其間耳 中丞劉來巡西江當劫灰餘燼瘁心力平瘡痍勤
理庶政孳孳罔倦以通志百數十餘載未修札各屬採訪續

纂^煦奉札後即與邑孝廉曹鄭諸子悉心摻輯唯自雍正間
修志以後歷年既久湮沒散佚了無紀載幸得查孝廉未定
舊稿刪剔博採而增修之閱歲餘而稿始就校正爰付剞劂
後之官是地暨邑人士之有志稽古者庶覩是書而山川風
俗古今沿革典型文獻得資攷證云爾是爲序

崑

同治十年四月旣望知星子縣事星沙藍煦謹序

同部十年四月親望映星千親事星水盤照對亭

皆

谷古今部革典堅文燭持資文館云爾是為乳

勢之官是此聖品人士之育志辭古昔熟歸是書而山川風

書蘇冊陽軒林而耐勢之問氣鋒而辭故棘封五美於諸國

勢志以勢想平聘人野好婚并下無餘輝幸時查幸乘去室

纂
照奉林勢收與邑奉乘曹嘆語千悉小對神節自爽五間

序

周官外史掌邦國之志即今郡縣志所由昉也所以
徵攷文獻觀覽風俗以及稽輿圖之廣表詳物產之
靈異悉於是在焉吾邑曩無舊志雖人物亭實附載
郡乘未免畧而不詳嘉慶年間查君雲槎先生倡議
修纂留心採訪彙輯成編惜僅存遺稿尚未登諸梨
棗咸豐辛亥^珍辦理採訪節孝總局是秋事竣偕
同志約次年壬子重修邑乘適^珍奉領鄉薦迫赴

都門不果嗣值髮逆之變蹂躪連年及亂定後即選授四川蓬溪志竟未成每一念至未嘗不此心歎然也今夏調任宜賓接家報欣聞

大府

奏修江西通省志檄下府廳州縣各勤採輯吾鄉同志諸公偕兄益齡蒐羅散失綴輯舊聞殫厥心力以垂不朽甚盛舉也雖遠宦西蜀不獲偕諸君子襄校其旁而數十年之缺畧一旦臚列粲陳裊然成帙

上足備

當代輜軒之採前以續雲槎未竟之業即珍之私願亦
於此藉慰也夫郵寄數言以誌欣幸是為序

同治十年仲夏月

邑人潘先珍謹序

同部十平中夏月

子人微夫無驚

亦如錄與也夫惟者錄言以諸如幸長海有

當以醉陳之新南以對雲對本黃之葉明之之新南

王又辭

舊序

匡廬秀甲東南倚天拔地襟江帶湖誠天下興區也而星子居其
閒於南康為首善之地漢唐以前地屬柴桑自宋太平興國三年
始割柴桑之區與星子鎮合而成縣是以有星子也雖僻處一隅
而鍾靈毓秀風俗敦樸有狹隘拘謹之行無依阿澆忍之習而人
才濟濟名流閒出若栗里之高風西澗之清節得陽明宗旨則有
熊嶽吾闡太極淵源則有但陶村至若後山之五陳髻山之七隱
影影在人耳目閒者其他如一科而登禮榜者五一試而入翰

林者四猶其餘事是以蘇李諸君子每望匡廬之峯泉交映徘徊而不忍去也余自嘉慶丁卯奉

簡命來守是邦今已歷一星終矣自蒞任以來時以弗克稱職為懼而嘗與鄭令夢白等建城垣而新

學宮無非興利除害之舉思欲纂輯疆里山川風俗人物文章為一書以志其顛末而未暇也適中丞程月川先生思輯通志命屬員先輯縣志凡所以紀載而備錄者咸附於府而府志亦自倫公品卓纂修後迄今百二十餘年矣其中風會升降民物豐耗與夫

制度典章人文治化其散佚於冰霜剝蝕者幾難考究若畏其難而置之不且聽其煙銷草萎而渺無稽考哉於是遂與教授郭星嶠等籌費起局敦促孝廉查雲槎為之領袖皆孝廉客河南臨漳一月三致書而招之幕下並延諸明經等分修校閱殫心一力余亦以簿書之暇得總覽大要參與可否折衷至當詳考先代遺人遺事凡殘碑斷碣及荒塚野廟之文莫不披荆蹈險摩搨而借攷証而其體裁一仿通志編次成類紀載詳明其於舊志則訛者正而遺者補繁者芟而缺者增而於新事則慎擇嚴收無敢濫載此

非特資一時之儉閱欲使後之人徵文攷獻有所據依而未敢附會以卒其事是役也始於戊寅三月告成於己卯歲杪別為十一門釐為十二卷而後百十餘年之事蹟于是乎有成書矣恭逢

聖天子仁漸義摩久道化成是以里有君子之風戶有仁厚之俗凡食毛踐土者莫不雍容以鼓吹休明即星子而已可徵矣書既成諸紳耆請予一言以弁其首予本江南一介兼之久疎簡畢而承周朱遺訓未敢外撫字而別求治術後世學者罔知所本專習辭章務為浮華以侈聲名自謂文士而於生民之利病一無所究及出

以治民唯奉行條章汲汲於賦役徵調馳驟東縛曾不得優游詩
書以與吾民浹洽所謂人爵得而天爵棄者也因書於此俾後之
君子知文章與吏治互相為用而後可質諸先賢而無憾亦可以
對名山而無愧也夫是為序 曾

嘉慶二十四年歲次己卯嘉平

賜進士出身

授朝議大夫知南康府事加十級紀錄十次溧陽狄尚綱謹撰